



UNIVERSITÄTS-  
BIBLIOTHEK  
PADERBORN

## **Magnum Bullarium Romanum, Seu Ejusdem Continuatio**

Quæ Supplementi loco sit, tum huicce, tum aliis quæ præcesserunt  
Editionibus, Romanæ, & Lugdunensi ...

Complectens Constitutiones ab Innocentio XIII. & Benedicto XIII. editas

**Luxemburgi, 1740**

VIII. Jubilæum Universale initio Pontificatus.

---

[urn:nbn:de:hbz:466:1-74724](https://nbn-resolving.org/urn:nbn:de:hbz:466:1-74724)



Cardinalis Fabronius S. Congregationis Indicii Præfectus Pistoriensis. Abbas Faustus Cosattus Clericus Senensis.

Petrus tit. S. Marci S. R. E. Cardinalis Prius Episcopus Bergomensis Venetus. Fr. . . . Columna Eques Hierosolymitanus Romanus.

Ulysses Joseph tit. S. Crucis S. R. E. Cardinalis Gozzadinus Episcopus Imolensis Bononiensis. Alphonsus Servantius. . . .

Annibal tit. S. Clementis S. R. E. Cardinalis Albanus S. R. E. Camerarius Archipresbyter Basilicæ Vaticanæ, & S. Congregationis R. Fabricæ S. Petri Præfectus Urbinas. Eques Joannes Franciscus Sempronius Clericus Urbinas.

Ludovicus tit. S. Silvestri in Capite S. R. E. Cardinalis Picus Episcopus Senogallia, & S. Congregationis Indulgentiarum Præfectus de Miranda-la. Abbas Thomas de Vulpe Clericus Imolensis.

Joannes Antonius tit. Sancti Calisti S. R. E. Cardinalis de Via Episcopus Ariminensis Bononiensis. Abbas . . . . Scottia.

Augustinus tit. S. Mariae de Populo S. R. E. Cardinalis Cusanus Episcopus Papiensis Mediolanensis. Comes Ignatius Michael Crivellus Clericus Mediolanensis.

Julius tit. S. Laurentii in Pane, & Perna S. R. E. Cardinalis Piazza Episcopus Faventinus Foroliviensis, Co. Fabritius Ilorinus Clericus Foroliviensis.

Antonius Felix tit. S. Balbinæ S. R. E. Cardinalis Zondadarius Senensis. Advocatus Marius Soccinus Clericus Senensis.

Joannes Baptista tit. Sanctæ Mariæ in Ara-celi S. R. E. Cardinalis Bussius Episcopus Anconitanus Viterbiensis. Joannes Antonius Kreayer de Corvini Sacerdos Sardus.

Petrus Marcellinus tit. S. Joannis ante Portam Latinam S. R. E. Cardinalis Corradinus Setinus. Comes Virgilius Montecatini Sacerdos Ferrariensis.

Armandus Gasto tit. SS. Trinitatis in Monte Pincio S. R. E. Cardinalis de Roban Soubize Episcopus Argentinensis Gallus. Abbas Folignan Clericus.

Joannes Baptista e Societate Jesu tit. S. Stephani in Monte Celio S. R. E. Cardinalis Prolomus Pistoriensis. Advocatus Joannes Franciscus Ingenus Clericus Neapolitanus.

Benedictus tit. SS. Nerei, & Achillei S. R. E. Cardinalis Odescalcus Archiepiscopus Mediolanensis. Comes Gabriel Ferretus Sacerdos Anconitanus.

Henricus tit. SS. Quirici, & Julitæ S. R. E. Cardinalis de Thyard de Bissy Episcopus Meldensis Gallus. Comes Franciscus Buschius Urbevetanus.

Innicus tit. S. Thome in Parione S. R. E. Cardinalis Caracciolus Episcopus Averanus Neapolitanus. Dominicus Marturus Sacerdos Neapolitanus.

Bernardinus tit. S. Petri in Monte Aureo S. R. E. Cardinalis Scotus Signaturæ Justitiæ Præfectus Mediolanensis. Comes Joseph Atto de Apris Romanus.

Joannes tit. SS. Quatuor Coronatorum S. R. E. Cardinalis Patritius Romanus. Marchio Tiberius Astallius Clericus Romanus.

Nicolaus tit. S. Sixti S. R. E. Cardinalis Borromeus Episcopus Novariensis Mediolanensis . . . . Cerronus.

Georgius tit. S. Agnetis extra mœnia S. R. E. Cardinalis Spinula Januensis. Abbas Victorianus Monresa Clericus.

Cornelius tit. S. Hieronymi Illicorum S. R. E. Cardinalis Bentivolus Ferrariensis. Eques Petrus Franciscus Pandulphinus Pisanus.

Joannes Franciscus tit. SS. Petri, & Marcellini S. R. E. Cardinalis Barbadicus Episcopus Brixienfis Venetus. Ludovicus Tabarella Eques S. Stephani Patavinus.

Ludovicus tit. S. Mariæ Transpontine S. R. E. Cardinalis Belluga, & Moncada Episcopus Cartagenensis Hispanus. Andreas Retz Clericus.

Joseph tit. S. Susanna S. R. E. Cardinalis Pe-reyra de la Cerda Episcopus Pharaonensis Lusitanus. Fr. Theresius Cassiulus Eques Hierosolymitanus Regiensis.

Joannes Baptista e Societate Jesu S. R. E. Cardinalis Salernus Cofentinus. Abbas Franciscus Mic-cellus Sacerdos Rheginensis.

Carolus tit. S. Pudentianæ S. R. E. Cardinalis Borgia Patriarcha Indiarum Hispanus. Abbas Joseph Beatia Clericus.

Alvarus e Societate Jesu tit. S. Bartholomæi in Insula S. R. E. Cardinalis Cienfuegos Episcopus Cajaanensis Hispanus. Joannes Augustinus Geminianus.

D. Bernardus Maria Ordinis S. Benedicti Congregationis Casinensis tit. S. Bernardi S. R. E. Cardinalis de Comitibus major Penitentiarius Romanus. Abbas Dionysius della Penna Clericus Perusinus.

DIACONI XI.

Benedictus S. Mariæ in Via Lata primus Dia-conus S. R. E. Cardinalis Pamphilius Signaturæ Gratiæ Præfectus Romanus. Abbas Felix Pollastri Clericus Cameriniensis.

Petrus tit. S. Laurentii in Damaso S. R. E. Cardinalis Ortbubonus S. R. E. Vicecancellarius, Archipresbyter Basilicæ Liberianæ Venetus. Marchio Franciscus Andreas de Monte S. Mariæ Anconitanus.

Joseph Kenatus tit. S. Gregorii S. R. E. Cardinalis Imperialis Congregationis boni Regiminis, & Disciplina Regularis Præfectus Januensis. Abbas Thomas Casaccus Clericus Amerinus.

Laurentius tit. S. Agathæ Gotthorum S. R. E. Cardinalis de Alteriis Romanus. Abbas Hieronymus Petronius Canonicus Basilicæ Vaticanæ Romanus.

Carolus tit. S. Angeli in Foro Piscium S. R. E. Cardinalis Columna Romanus. Franciscus Lagarola Viterbiensis.

Curtius tit. S. Eustachii S. R. E. Cardinalis Origus S. Congregationis Concilii Tridentini Præfectus Romanus. Abbas Martius Cincius Clericus Romanus.

Melchior tit. . . . . S. R. E. Cardinalis de Po-lignac Gallus. Abbas . . . . de S. Germano Clericus.

Fabritius tit. SS. Viti, & Modesti S. R. E. Cardinalis de Abbatibus Oliverius Pisanensis. Abbas Joannes Franciscus de Abbatibus Oliverius Eques S. Joannis Hierosolymitani Clericus Pisau-rensis.

Carolus tit. S. Mariæ in Aquiro S. R. E. Cardinalis de Marinis Januensis. Abbas Franciscus Visettus Patritius Alvetius Diæcesis Comensis.

Julius tit. S. Adriani S. R. E. Cardinalis Albe-ronus Placentinus. Abbas Alexander Carolus Clericus Placentinus.

Alexander tit. S. Mariæ in Cosmedin S. R. E. Cardinalis Albanus Urbinas. Abbas Joseph Nagat, & Salinas Clericus Barchinonen.

Indicatur Jubileum Univerfale initio Pontificatus Sanctitatis Suæ.

VIII.

Huic simile Jubileum indictum fuit ab Innoc. XII. Const. ed. 1721., Maji 27., P. 1. & Clem. XII. Const. ed. 1730., Sep. 9., P. 1.

BENEDICTUS PAPA XIII.

Dat. 10. Junii  
1724. An. 1.

Universis Christianis fidelibus presentes literas in-specturis salutem, & Apostolicam Bene-dictionem.

CUM inscrutabilis divini consilii altitudo humilitatem Nostram ad Univerfæ Eccle-siæ regimen evocare, Nobisque Vicariam sui in Terris potestatem committere sit; Nos tamen nihil magis desideraremus, quam, ut immen-

Exordium a necessitate implorandi Divinum auxilium pro saluati universalis Ecclesiæ regimine.



fam illam curarum Pontificiarum molem, cui ferendæ infirmitatem nostram longe imparem agnoscimus, defugere possemus, delatamque propterea dignitatem, quantum licuit, toto animo, ac sincero corde detrectaverimus, assidue Deum obsecrantes, ut calicem illum a Nobis transferret. Nihilominus ne supernæ voluntati, cui non est, qui resistat, nimium obluſtari videremur, imposito Nobis iugo collum ex charitatis necessitate humiliter submissimus, firma spe, ac fiducia in Domino freti, ut qui Nobis Apostolici ministerii auctor fuit, mitteret auxilium de sancto, & de Sion tueretur Nos. Verum dum assumpti oneris Angelicis etiam humeris formidandi gravitatem serio perpendimus, miseramque temporum conditionem, ac luctuosum Christianæ Reipublicæ statum contemplamur, anticipaverunt vigilias oculi Nostri, atque inter mæiores, & suspiria timemus, ne cum Regio Propheta exclamare cogamur: Veni in altitudinem Maris, & tempestas demersit me, dolemus siquidem, & graviter angimur Nos in ea tempora incidisse, quibus refrigescere charitatem multorum videmus, neque Sanctæ Dei Ecclesiæ faciem, qua multiplicatis in Regione dissidiis laceram, qua filiorum suorum excessibus deformatam sine intima animæ nostræ amaritudine intueri possumus: Non tamen deficiamus animo, sed omnem spem Nostram in eum convertimus, qui sperantes in se confundi non patitur, & gratiæ suæ sustinet, ac confovet præsidio; Quod ut cum omnium Ecclesiarum, quarum Nobis credita est sollicitudo, utilitate demereri, ac consequi valeamus, ad vestrum omnium, quibus curam Pastoralem impendere, preces ex pio, ac laudabili Romanorum Pontificum Prædecessorum Nostrorum more confugiendum duximus, merito confidentes Clementissimum Dominum Nostrum ad providum Ecclesiæ militantis gubernium necessario Nobis Cælestia dona largiturum, si vos Nobiscum unanimes scindatis corda vestra, & deposito peccatorum pondere revertamini ad eum, qui multus est ad ignoscendum, & orationes vestras, jejunii, atque elemosynæ viribus roboratas ad Altare Patris misericordiarum jugiter offeratis. Accedamus ergo ad Deum in sanctitate animæ, castas, & impollutas manus ad illum elevantes. Adeamus cum fiducia ad Thronum gratiæ, ut misericordiam consequamur, & gratiam inveniamus in auxilio opportuno. Præstabilem super hominum malitia, Dei bonitatem imploremus, ut qui dat lasso virtutem, & his, qui non sunt, fortitudinem, & robur multiplicat, confirmet quod operatus est in Nobis, nosque confortet in potentia virtutis suæ, ac repleat agnitione sua voluntatis in omni sapientia, & intellectu, effundens super Nos spiritum consilii, quo intellet rerum, ac temporum difficultates agnoscamus, quid agere debeamus, oculisque ac mente semper in Deum intentis, quæ recta sunt, salubriter perficiamus. Hæc autem ut majori spiritus ardore, uberiusque fructus incremento fiant, Cælestium munerum Thesaurus, quorum dispensationem fidei nostræ commisit Divina dignatio, reserare, & liberali manu erogare decrevimus.

Indictio prædicti Jubilæi.

§. 1. Itaque de Omnipotentis Dei Misericordiam, ac Beatorum Petri, & Pauli Apostolorum ejus auctoritate confisi, ex illa ligandi, atque solvendi potestate, quam Nobis Dominus, licet indignis, contulit, universis, & singulis utriusque sexus Christianidelibus in Alma Urbe Nostra degentibus, qui solemni Processioni, quam Dominica tertia post Pentecostes ab Ecclesia Sanctæ Mariæ super Minervam, ad Ecclesiam Beatæ Mariæ de Vallicella nuncupat, de eadem Urbe una cum Venerabilibus Fratribus Nostris S. R. E. Cardinalibus, necnon Patriarchis, Archiepiscopis, & Episcopis, quos in Romana

Curia adesse contigerit, ac Christianorum Regum, & Principum Oratoribus apud Nos existentibus, Prælati quoque, & Officialibus ejusdem Curiæ, universonque Clero, & Populo, benedicente Domino agemus, devote interfuerint, vel Sancti Joannis in Laterano, Principis Apostolorum, & Sanctæ Mariæ Majoris Ecclesias, seu Basilicas, vel earum aliquam intra spatium ejusdem, vel proximæ subsequenti hebdomadæ saltem semel visitaverint, ibique per aliquod temporis spatium devote, ut supra, Deum oraverint, ac quarta, & sexta feria, ac Sabbato alterius ex præfatis hebdomadis jejunaverint, & peccata sua confessi, Sanctissimum Eucharisticum Sacramentum in Dominica die immediate sequenti, vel alia die intra eandem hebdomadam reverenter sumperint, ac pauperibus aliquam elemosynam, prout unicuique suggeret devotio erogaverint. Cæteris vero extra Urbem prædictam ubique degentibus, qui Ecclesias ab Ordinariis locorum, vel eorum Vicariis, seu Officialibus, aut de eorum mandato, & ipsis deficientibus per eos, qui ibi curam Animarum exercent, postquam ad eorum notitiam hæc nostræ pervenerint designandas, vel Ecclesiarum hujusmodi aliquam spatium duarum similiter hebdomadarum, a publicatione designationis, vel per Ordinarios, vel eorum Vicarios, seu Officiales, vel alios, ut præfertur, faciendæ decursuram, saltem semel visitaverint, ibique, ut supra, oraverint, ac quarta, & sexta feria, ac Sabbato alterius ex hebdomadis hujusmodi jejunaverint, pariterque peccata sua confessi, ac in die Dominica immediate sequenti, vel alia die intra eandem hebdomadam Sanctissima Communionem refecti fuerint, & pauperibus aliquam elemosynam, ut præmittitur, erogaverint, plenissimam omnium peccatorum suorum Indulgentiam, & remissionem, sicut in Anno Jubilæi visitantibus certas Ecclesias intra, & extra Urbem prædictam concedi consuevit, tenore præsentium concedimus, & largimur.

§. 2. Navigantes vero, & iter agentes, ut cum primum ad sua sese domicilia receperint, supra scriptis peractis, & visitata Ecclesia Cathedrali, vel majori, aut Parochiali loci eorum domicilii, eandem Indulgentiam consequi possint, & valeant: Regularibus autem personis utriusque sexus, etiam in claustris perpetuo degentibus, necnon aliis quibuscumque tam laicis, quam Ecclesiasticis Sæcularibus, vel Regularibus, etiam in carcere, aut captivitate existentibus, vel aliqua corporis infirmitate, seu alio quocumque impedimento, detentis, qui supra expressa, vel eorum aliqua præstare nequeverint, ut illa Confessarius ex jam approbatis a locorum Ordinariis ante præsentium publicationem, seu approbandis, eis in alia pietatis opera, commutare, vel in aliud proximum tempus prærogare possit, eaque injungere, quæ ipsi poenitentes efficere poterunt pariter concedimus, & indulgemus.

§. 3. Insuper omnibus, & singulis Christianidelibus utriusque sexus, tam laicis quam Ecclesiasticis, Sæcularibus, & Regularibus, cujusvis Ordinis, & Congregationis, & Instituti tam in Urbe præfata, quam extra eam ubique locorum, ut præfertur, degentibus, licentiam concedimus, & facultatem, ut sibi ad hunc effectum eligere possint quemcumque Presbyterum Confessarium, tam Sæcularem, quam cujusvis Ordinis, & Instituti regularem ex approbatis, ut præmittitur, a locorum Ordinariis, qui eos ab excommunicationis, suspensionis, & aliis Ecclesiasticis Sententiis, & Censuris a jure, vel ab homine, quavis causa latis, seu inflatis, necnon ab omnibus peccatis, excessibus, criminibus, & delictis quantumvis gravibus, & enormibus, etiam locorum Ordinariis, sive Nobis, & Sedi Apostolicæ, etiam in literis die Cœnæ Domini

De existentibus extra Urbem.

De navigantibus, & iter agentibus.

De Regularibus, & legitime impeditis.

De Confessario eligendo, ejusque facultate.

legi



legi solitis contentis, & alias per quascumque nostras, aut Romanorum Pontificum prædecessorum Nostrorum Constitutiones, quarum tenores præsentibus haberi volumus pro expressis, quomodocumque reservatis in foro conscientie, & hac vice tantum absolvere, & liberare valeant, & insuper vota quacumque (Religionis, & castitatis exceptis) in alia pia, & salutaria opera commutare, injuncta tamen eis, & eorum cuilibet in supradictis omnibus casibus poenitentia saluari, aliaque ejusdem Confessarii arbitrio injungendis.

De publicatione Jubilei.

§. 4. Quapropter tenore præsentium in virtute Sanctæ Obedientiæ districtè præcipimus, atque mandamus omnibus, & quibuscumque Venerabilibus Fratribus, Patriarchis, Archiepiscopis, Episcopis, & aliis Ecclesiarum Prælatibus, & quibuscumque Ordinariis locorum, ubicumque existentibus, eorumque Vicariis, & Officialibus, vel iis deficientibus, illis, qui curam Animarum exercent, ut cum præsentium literarum transumpta, aut exempla, etiam impressa, acceperint, illa statim absque ulla mora, retardatione, vel impedimento pro suis Ecclesiis, & Diocesibus, Provinciis, Civitatibus, Oppidibus, Terris, & loca publicent, & publicari faciant, Ecclesiamque, seu Ecclesias visitandas designent.

De casibus reservatis.

§. 5. Non intendimus autem per præsentibus super aliqua irregularitate publica, vel occulta, nota, defectu, incapacitate, seu inhabilitate quoquo modo contracta dispensare, vel aliquam facultatem tribuere dispensandi, seu habilitandi, & in pristinum statum restituendi, etiam in foro conscientie, neque etiam easdem præsentibus iis, qui Nobis, & Apostolica Sede, vel ab aliquo Prælato, seu Judice Ecclesiastico excommunicati, suspensi, interdicti, seu alias in Sententias, & Censuras, incidisse declarati, vel publice denunciati fuerint, nisi intra tempus dictarum duarum hebdomadarum satisfecerint, aut cum partibus concordaverint, ullo modo suffragari posse, aut debere.

Clausula.

§. 6. Non obstantibus Constitutionibus, & Ordinationibus Apostolicis, præsertim, quibus facultas absolviendi in certis tunc expressis casibus, ita Romano Pontifici pro tempore existentis reservatur, ut nec etiam similes, vel dissimiles Indulgentiarum, & facultatum hujusmodi concessiones, nisi de illis expressa mentio, aut specialis derogatio fiat, cuiquam suffragari queant, necnon Regula nostra de non concedendis Indulgentiis ad instar, ac quorumcumque Ordinum, & Congregationum, sive Institutum Regularibus, etiam Juramento, confirmatione Apostolica, vel quavis firmitate alia roboratis Statutis, & consuetudinibus; privilegiis quoque, Indultis, & literis Apostolicis eisdem Ordinibus, Congregationibus, & Institutis, illorumque personis quomodolibet concessis, approbatis, & innovatis. Quibus omnibus, & singulis, etiam si de illis, eorumque totis tenoribus specialis, specifica, expressa, & individua, non autem per Clausulas generales idem importantes mentio, seu quævis alia expressio habenda, aut aliqua alia exposita forma ad hoc servanda foret, illorum tenores præsentibus pro sufficienter expressis, ac formam in eis traditam pro servata habentes, hac vice specialiter, nominatim, & expresse, ad effectum præmissorum, derogamus, cæterisque contrariis quibuscumque.

§. 7. Ut autem præsentibus nostræ, quæ ad singula loca deferri non possunt ad omnium notitiam facilius deveniant, volumus, ut earundem præsentium transumptis, vel exemplis etiam impressis manu alicujus Notarii publici subscriptis, & sigillo personæ in Ecclesiastica dignitate constitutæ munitis, ubique locorum, & Gentium eadem prorsus fides habeatur, quæ haberetur ipsis præsentibus, si forent exhibitæ, vel ostensæ.

Datum Romæ apud S. Petrum sub Anno Piscatoris die X. Junii MDCCXXIV. Pontificatus Nostri Anno Primo.

Confirmatur Decretum Congregationis Episc. & Regul. pro erectione Seminarii Missionariorum in Provincia S. Pauli Fratrum Min. Discalc. strict. Observ. Castellæ Veteris.

IX.

De erectione Seminariorum pro Familia Hispanica vide Innoc. XI. Const. ed. 1686. Jun. 2. P. 10., & hujus Const. ed. 1727. 3. Apr. P. 2.

BENEDICTUS PAPA XIII.

Dat. 20. Junii 1724. An. I.

Ad futuram rei memoriam.

Nuper pro parte dilecti filii Joannis Diaz a Conceptione Sacræ Theologiæ Lectoris, ac Patris Provincia Fratrum Excalceatorum S. Didaci in Bethica, & Procuratoris Generalis in Romana Curia eorumdem fratrum Discalceatorum, & recollectorum Ordinis Sancti Francisci Congregationi Venerabilium Fratrum Nostrorum S. R. E. Cardinalium negotiis, & Consultationibus Episcoporum, & Regularium præpositæ exposito, quod cum Provincia S. Pauli Fratrum Discalceatorum hujusmodi strictioris observantiæ ejusdem S. Francisci Veteris Castellæ animabus Sanguine Arni redemptis proficere cupiens humiliter eidem Congregationi supplicasset, quatenus eidem Provinciæ unum ex illius Conventibus per fratres Diffinitorii Provincialis designandum in Collegium, seu Seminarium Missionariorum, qui Apostolicis Missionibus unice essent dediti, facultatem erigendi concederet, cujus quidem Conventus Guardianus, alique fratres, pariterque ipsum Seminarium strictissimis prædictæ Provinciæ Constitutionibus gubernarentur, ac Ministro, & Diffinitorio Provinciali immediate subditi essent, cui etiam competeret electio Guardiani dicti Seminarii pro tempore necnon receptio Novitiorum, sicut in aliis totius Provinciæ Conventibus observabatur, non autem subicerentur immediate Ministro Generali, sicut in literis se. rec. Innocentii Papæ XI. Prædecessoris nostri desuper in simili forma Brevis expeditis pro Collegiis Missionariorum sitis in Provinciis ad familiam Hispanicam spectantibus disponebatur, prohibendo simul expresse, quod dummodo erectum esset in dicta Provincia Sancti Pauli prædictum Seminarium, nullus ex ejusdem Provinciæ Alumnis titulo Missionum ad alia Missionariorum Collegia extra ipsam Provinciam existentia transire posset, concedendo his novis Missionariis omnia, & singula privilegia, ac prærogativas in dictis literis Innocentii Prædecessoris contenta, quibusque alia Missionariorum etiam Regularis observantiæ Seminaria gaudebant, remanente tamen intacta, & illæsa eadem Ministri Generalis auctoritate, quam in omnibus Provinciis, & Conventibus totius Ordinis exercebat, exceptis tamen immediata subjectione, electione Guardiani, ac receptione Novitiorum, quæ sicut præmittitur ad Ministrum, & Diffinitorium Provinciale spectare deberent; emanavit a prædicta Congregatione Cardinalium Decretum tenoris sequentis, videlicet -- Sacra Congregatio Eminentissimorum, & Reverendissimorum S. R. E. Cardinalium negotiis, & Consultationibus Episcoporum, & Regularium præposita visa relatione Eminentissimi Corsini prædicti Ordinis apud S. Sedem Protectoris, & Patri Procuratoris Generalis referente Eminentissimo Fabrono benigne indulgit, ut Pater Provincialis præfate Provinciæ veris existentibus narratis fundamentum prædicti Seminarii Missionariorum sibi, &

Petitione d. Congregationi facta pro erectione Seminarii immediate subditi Min. Provinciali, & Diffinitorio juxta Constitutiones Inn. XI. de Seminariis Familie Hispanica.

Decretum Congregationis juxta relatam petitionem an. 1723. editum.